

Mi Ätti und mis Müetti

g, e' (C-Dur) (2 st. Jodel) *Duett*

Mis liebe Müetti woni ha, das
möchte i immer b'halte. Drum
tueni tröi ou zue ihm stah,
wenn's nume nie würd alte. Mi
Huustür isch geng off für di, wie
guet bisch du geng zu mir gsi.
Nie chönnt i di beschimpfe.

I ha ne liebe Ätti gha, är isch
vor Jahre g'storbe. Im Stille
dänk i mängisch no, ä sälbe
Zischtig-Morge. Bi gäng e
Schlingel gsi als Knab, drum
stahn i hüt viel a sim Grab.
Verzeih mir liebe Ätti!

I gibe dir ä guete Rat, är
chunnt mir ganz vo Härze:
Mach no wenn d'chasch ä gueti
Tat, wenn's z'spät isch tuets di
schmärze. O Herrgott lueg,
dass miner Chind ou einisch
dankbar zue mir sind. Das würd
mi ewig fröie.